

七十二家集

庾開府集卷之五

周新野庾信子山著

明閩漳張爕紹和纂

詩

和張侍中述懷

賜窮乃悔吝世季誠屯剝奔河絕地維折柱傾  
天角成羣海水飛如雨天星落負鍾遂移山藏  
舟終去壑生民忽已魚君子徒爲鶴疇昔逢知  
已生平荷恩渥故組竟無聞程嬰空寂寞永嘉

獨流寓中原惟鼎鑊道險卧輓轡身危累素殼  
漂流從木梗風巷隨秋籜張翰不歸吳陸機猶  
在洛漢陽錢遂盡長安米空索嘗占季主龜乍  
販韓康藥伏轅終入絳垂翅猶離緱徒懷琬琰  
心空守黃金諾號鄒終無寄齊秦竟何託大夫  
唯閔周君子常思毫寂寥共羈旅蕭條同負郭  
農談止穀稼野膳唯藜藿操樂楚琴悲一作忘  
憂魯酒薄涓濱觀坐釣谷口看秋穫唯有丘明  
耻無復榮期樂夷則火星流天根秋水涸冬巖

日不暖歲晚風多朔楊浮有恠雲細凌聞災雹  
木皮三寸厚涇泥五斗濁雖忻曲轅樹猶懼雕  
陵鵲生涯實有始天道終虛橐且悅善人交無  
疑朋友數何時得雲雨復見翔寥廓

奉和示內人

然香鬱金屋吹管鳳凰臺春朝迎雨去秋夜隔  
河來聽歌雲卽斷聞琴鶴倒回春窻刻鳳下寒  
壁畫花開定取流霞氣時添承露杯

春和趙王美人春日

直將劉碧玉來過陰麗華祗言滿屋裏併作一  
園花新藤亂上格春水漫吹沙步搖釵梁動紅  
輪被

一作輪帳

角斜今年逐春處先向石崇家

春和趙王春日

城傍金谷苑園裏鳳凰池細管調歌曲長衫教  
舞兒向人長曼臉由來薄面皮梅花絕解作樹  
葉本能吹香烟龍口出蓮子帳心垂莫畏無春  
酒湏花但見隨

夢入堂內

雕梁舊刻杳香壁本泥椒幔繩金麥穗簾鈎銀  
絲條畫眉千度拭梳頭百遍撩小衫裁褰臂纏  
絃猶抱腰日光釵燄動窓影鏡花搖歌曲風吹  
韻笙簧火炙調卽今須戲去誰復待明朝

和詠舞

洞房花燭明燕餘雙舞輕頓履隨踈節低鬟逐  
上聲步轉行初進衫飄曲未成鸞迴鏡欲滿鶴  
顧市應傾已曾天上學詎是世中生

簡文帝詠舞二首附

戚里多妖麗重聘葭燕餘逐節工新舞嬌態  
似凌虛納花承禰襪垂翠逐璫舒扇開衫影  
亂巾度履行疎徒勞交甫憶自有專城居  
可憐稱二八逐節似飛鴻懸勝河陽妓闌與  
淮南同入行看履進轉面望鬟空腕動茗華  
玉衫隨如意風上客何須起啼鳥未肯終

夜聽搗衣

秋夜搗衣聲飛度長門城今夜長門月應如畫  
日明小鬟宜粟瑱圓腰運織成秋砧調急節亂

杵變新聲石燥砧逾響桐虛杵絕鳴鳴石出華  
陰虛桐採鳳林北堂細腰杵南市女郎砧擊節  
無勞鼓調聲不川琴並結連枝縷雙穿長命針  
倡縷驚別怨征客動愁心同心竹葉碗雙去雙  
來滿裙裾不奈長衫袖偏宜短龍文鏤剪刀鳳  
翼纏簾管風流響和韻哀怨聲悽斷新聲繞夜  
風嬌轉滿空中應聞長樂殿判徹昭陽宮花鬟  
醉眼纈龍子細文紅濕摺通夕露吹衣一夜風  
玉堦風轉急長城雪應聞新綬始欲縫細錦行

須簾聲煩廣陵散杵急漁陽搯新月動金波秋  
雲泛濫過誰憐征戍客今夜在交河羽陽一作羽觴

離別賦臨江愁思歌復令悲此曲紅顏餘幾多  
預麟趾殿校書和劉儀同

止戈興禮樂修文盛典謨壁開金石篆河浮雲  
霧圖芸香上延閣碑石向鴻都誦書徵博士明  
經拜大夫壁池寒水落學市舊槐疎高譚變白  
馬雄辯塞飛狐月落將軍樹風驚御史烏子雲  
猶汗簡溫舒正削蒲連雲雖有閣終欲想江湖

和宇文內史入重陽閣

北原風雨散南宮容衛疎待詔還金馬儒林歸  
石渠徒懸仁壽鏡空聚茂陵書竹淚垂秋筍蓮  
衣落夏集作故葉顧成始移廟陽陵正徙居舊蘭  
憔悴長殘花爛熳舒別有昭陽殿長悲故一作班  
婕妤

忝在司水看治渭橋

大夫叅下位司職渭之陽富平移鐵鑠一作柱甘  
泉運石梁跨虹連絕岸浮龜續斷航春洲鸚鵡

色流水桃花香星精逢漢帝釣叟直周王平隄  
石岸直高堰柳陰長羨言杜元凱河橋獨舉觴

王褒和庾司水修渭橋附

東流仰天漢南渡似牽牛長堤通甬道飛梁  
跨造舟使者開金堰太守擁河流廣陵候濤  
水荆峽望陽侯滅生從故舶沙漲湧新洲天  
星識辯對檢玉應沈鈎空悅浮雲賦非復採  
蓮謳

北園新齋成應趙王教

紅粉跋鳥翼山節拱蘭枝畫梁雲氣繞雕窓玉  
女窺月懸唯返照蓮開長倒垂盤根紐壞石行  
雨暴澆池長藤連格徙高樹帶巢移鳥聲唯雜  
曲花風直亂吹白虎題書觀玄熊帖射皮文弦  
入舞曲月扇掩歌兒玉節調笙管金船代酒卮  
若論曹子建天人亦共知

同會河陽公新造山池聊得寓目

橫階仍鑿澗對戶卽連峰暗石疑藏虎盤根似  
卧龍沙洲聚亂荻洞口礙橫松引泉恒數派開

巖卽十重北閣聞吹管南鄰聽擊鐘菊寒花正  
合杯香酒絕濃由來魏公子今日始相逢

登州中新閣

跨虛凌倒景連雲詎少陽璇極龍鱗上雕甍鵬  
翅張千尋文杏照十里木蘭香開牕對高掌平  
坐望河梁歌響聞長樂鐘聲徹建章賦用王延  
壽書頴常仲將龍來隨畫壁鳳起逐吹簫石作  
芙蓉影池如明鏡光花梁反披茱蓮井倒垂房  
徒然思鸞賀無以預鵬翔

歲晚出橫門

年華改歲陰遊客喜登臨據鞍重玉帖橫腰帶  
錦心冰弱浮橋沒沙虛馬跡深倚弓依石岸回  
牀向柳陰智瓊來勸酒文君過聽琴明朝雲雨  
散何處更相尋

北園射堂新成

軒臺聊可習仙的不難登轉箭初調苦橫弓先  
望朔驚心一鴈落連臂兩猿騰直知王濟巧誰  
覺魏舒能空心不死樹無葉未枯藤擇賢方至

此傳卮欣得朋

園庭

杖鄉從物外養學事閑郊窮愁方汗簡無遇始  
觀爻谷寒已吹律簷空更剪茆樵隱恒同路人  
禽或對巢水蒲開晚結風竹解寒苞古槐時變  
火枯楓乍落膠倒屣迎懸榻停琴聽解嘲香螺  
酌美酒枯蚌藉蘭殺飛魚肯觸釣翳雉屢懸庖  
但使相知厚當能來結交

歸田

務農勤九穀歸來嘉一廛穿渠移水碓燒棘起  
山田樹陰逢歇馬魚潭見酒船苦李無人摘秋  
瓜不直錢社雞新欲伏原蠶始更眠今日張平  
子翻爲人所憐

寒園卽目

寒園星散居搖落小村墟遊仙半壁畫隱士一  
牀書子月泉心動陽爻地氣舒雪花深數尺冰  
牀厚尺餘蒼鷹斜望雉白鷺下看魚更想東都  
外羣公別二疎

幽居值春

山人久陸沉，幽逕忽春臨。  
決渠移水碓，開園掃竹林。  
欹橋久半斷，崩岸始邪侵。  
短歌吹細笛，低聲泛古琴。  
錢刀不相及，耕種且湏深。  
長門一紙賦，何處覓黃金。

卧疾窮愁

危慮風霜積，窮愁歲月侵。  
畱蛇常疾首，映弩屢驚心。  
稚川求藥錄，君平問卜林。  
野老肯相訪，山僧或見尋。  
有菊鬻無酒，無絃則有琴。  
詎知長抱

膝獨爲梁父吟

山齋

寂寥尋靜室蒙密就山齋  
滴瀝泉澆路穿窿石  
卧階淺槎全不動盤根  
唯半埋圓珠墜晚菊細  
火落空槐直置風雲慘  
彌憐心事乖

望野

試策千金馬來登五丈  
原有城仍舊縣無樹卽  
新村水向蘭池泊日斜  
細柳圍涸渚通沙路寒  
渠塞水門但得風雲賞  
何須人事論

蒙賜酒

金膏下帝臺玉曆在蓬萊仙人一遇飲分得兩  
三杯忽聞桑葉落正值菊花開阮籍披衣進王  
戎含笑來從今覓仙藥不假向瑤臺

奉報趙王惠酒

梁王修竹園冠蓋風塵喧行人忽枉道直進桃  
花源稚子還羞出驚妻倒閉門始聞傳上命定  
是腸中樽野鑪然樹葉山杯捧竹根風池還更  
煖寒谷遂長暄未知稻梁鴈何時能報恩

有喜致醉

忽見庭生玉聊欣時出珠蘭芬猶載寢蓬箭始  
懸弧旣喜枚都尉能歡陵大夫頻朝中散客連  
日步兵厨襍曲隨琴用殘花聽酒湏脆梨裁數  
實甘查唯一株兀然已復醉擢頭歌鳳雛

喜晴應詔 勅自疏韻

御辯誠膺錄維皇稱有建雷澤昔經漁負夏時  
從販柏梁驂駟馬高陵馳六傳有序屬賓連無  
私表平憲河堤崩故柳秋水高新堰心齋愍昏

卷三  
墊樂徹憐胥怨禪河秉高論法輪開勝辯王城  
水闢息洛浦河圖猷伏泉還習坎歸風已回巽  
桐枝長舊圍蒲節抽新寸山藪欣藏疾幽棲得  
無悶有慶兆民同論年天子萬巽音旋寸音斷  
悶音慢皆古韻

同顏大夫初晴

夕陽含水氣反景照河隄濕花飛未遠陰雲歛  
向低燕燥還爲石龍殘更是泥香泉酌冷澗小  
艇釣蓮溪但使心齊物何愁物不齊

奉和趙王喜雨

玄覽臨日谷封蟻對雲臺投壺欲起電倚柱稍  
驚雷白沙如濕粉蓮花類洗杯驚鳥灑翼度濕  
鴈斷行來浮橋七星起高堰六門開猶言祀蜀  
帝卽似望荆臺厥田終上上原野自莓莓

和李司錄喜雨

純陽實久亢雲漢乃昭回臨河沈璧玉夾道盡  
龍媒離光初繞電震氣始乘雷海童還碣石神  
女向陽臺雲逐魚鱗起渠隨龍骨開崩沙雜水  
去卧樹擁槎來嘉苗雙合穎熟稻再含胎屬此

欣膏露逢君摘揆才愧乏瓊將玖無酬美且偃  
郊行值雪

風雲俱慘慘原野共茫茫雪花開六出冰珠映  
九光還如驅玉馬暫似獵銀獐障雲全不動寒  
山無物香薛君一狐白唐侯兩驪驪寒關日欲  
暮披雪渡河梁

奉和趙王西京路春旦

直城龍首抗橫橋天漢分風鳥疑近日露掌定  
高雲新渠還入涓舊鼎更開汾漢獵熊攀檻秦

田雉尖羣宜年動春律御宿歛寒氣弄玉迎簫  
史東方覓細君楊柳成歌曲蒲桃學繡文鳥鳴  
還獨解花開先自薰誰知灞陵下猶有故將軍  
奉和夏日應令

朱簾捲麗日翠幕蔽重陽五月炎蒸氣三時刻  
漏長麥隨風裏熟梅逐雨中黃開冰帶井水和  
粉雜生香衫含蕉葉氣扇動竹花涼早菱生軟  
角初蓮開細房願陪仙鶴舉洛浦聽笙黃

和樂儀同苦熱

火井沉熒散炎洲高燄通鞭石未成雨鳴鳶不起風思爲鸞翼扇願借明光宮臨淄迎子禮中散就安豐美酒含蘭氣甘瓜開蜜筒寂寥人事屏還得隱墻東

和裴儀同秋日

蕭條依白社寂寞似東臯學異南宮敬貧同北郭騷蒙吏觀秋水萊妻紡落毛旅人嗟歲暮田家厭作勞霜天林木燥秋氣風雲高栖遑終不定方欲涕沾袍

詠園花

暫往春園傍聊過看果行枝繁類金谷花雜映  
河陽自紅無假染真白不須粧燕送歸菱井蜂  
銜上蜜房非是金鑪氣何關柏殿香裊衣偏定  
好應持奉魏王

西門豹廟

君子爲利博達人樹德深蘋藻由斯薦樵蘇幸

未侵恭聞正臣一作育祀良識佩韋心容範雖年

代徽猷若可尋菊花隨酒馥槐影向窓臨鶴飛

疑逐舞魚驚似聽琴  
潭流鳴磴石銅雀影秋林

和王少保遙傷周處士

冥漠爾遊岱悽涼余向秦  
雖言異生死同是不  
歸人昔余仕冠蓋值子避風塵  
望氣求真隱伺  
關待逸民忽聞泉石友芝桂不防身  
悵然張仲  
蔚悲哉鄭子真三山猶有鶴五柳更應春  
遂令  
從渭水投弔往江濱

傷王司徒喪

昔聞王子晉輕舉逐神仙  
謂言君積善還得嗣

前賢四海皆流寓非爲獨播遷豈意中台拆君  
當風燭前自君鍾鼎族江東

集作南

三百年寶刀

仍世載琬戈本舊傳綠綬紆槐綬黃金飾侍蟬  
地建忠臣國家開孝子泉自能枯木潤足得流  
水圓以君承祖武諸侯無間然青衿已對日童  
子卽論天潁陰珠玉麗河陽脂粉妍名高六國  
共價重十城連辯足觀秋水文堪題馬鞭迴鸞  
抱書字別鶴繞琴絃擁旄裁甸服垂帷非被邊  
靜亭空繫馬閑烽直起烟不廢披書案無妨坐

月集 卷三  
釣船茂陵忽多病淮陽實未痊侍醫逾默默神  
理遂綿綿永別張平子長埋王仲宣柏谷移松  
樹陽陵買墓田陝路秋風起寒堂已颯焉丘楊  
一摧落山火卽時然昔爲人所羨今爲人所憐  
世途旦復旦人情玄又玄故人傷此別畱恨滿  
秦川定名於此定全德以斯全唯有山陽笛悽  
余思舊篇

仰和何僕射還宅懷故

紫閣旦朝罷中臺夕奏稀無復千金笑徒勞五

日歸步簷朝未掃蘭房畫掩扉苔生理曲處網  
積迴交機故瑟餘絃斷歌梁秋鴈飛朝雲雖可  
望夜帳定難依願憑非露入方假慧燈輝寧知  
洛城晚還淚獨沾衣

送吳法師葬

龍泉今日掩石洞卽時封玉匣擢談柄懸河洛  
辯鋒香鑪猶是栢塵尾更成松郭門未十里山  
迴已數重尚聞香閣梵猶聽竹林鍾送客風塵  
擁寒郊霜露濃性靈如不滅神理定何從

和人日晩景宴昆明池

春餘

一作春餘

足光景趙李舊經過上林柳腰細新

豐酒徑多小船行釣鯉新盤待摘荷蘭臯徒稅  
駕何處有凌波

對宴齊使

歸軒下賓館送蓋出河堤酒正離杯促歌工別  
曲淒林寒木皮厚沙迴鴈飛低故人倘相訪知  
余已執珪

聘齊秋晩館中飲酒

欣茲河朔飲對此洛陽才殘秋欲屏扇餘菊尚  
浮盃潼流鳴二水日色下三臺無因侍清夜同  
此月徘徊

奉和潞池初成清晨臨泛

千金高堰合百頃浚源開翻逢積翠一作草浪更

識昆明灰猿嘯風還急雞鳴潮卽來肯看青雀

舫遙逐桂舟一作洲廻

秋吳法師遊昆明池二首

遊客重相懼連鑣山上蘭值泉傾蓋飲逢花駐

馬看平湖泛玉舳高堰欵金鞍半道聞荷氣中  
流覺水寒

秋光麗晚天鷁舸泛中川密菱障浴鳥高荷沒  
釣船碎珠縈斷菊殘絲繞折蓮落花催斗酒栖  
鳥送一絃

見遊春人

長安有狹斜金穴盛豪華連孟勸上馬亂菓擲  
行車深紅蓮子艷細錦鳳凰花那能學嚶酒無  
處似藥巴

別周尚書弘正

一作別周處士弘正

扶風石橋北  
函谷故關前  
此中一分手  
相逢知幾年  
黃鵠一反顧  
徘徊應愴然  
自知悲不已  
徒勞減瑟絃

別張洸馬樞

別席憐無言  
離悲兩相顧  
君登蘇武橋  
我見楊朱路  
關山負雪行  
河水乘冰渡  
願子著朱鸞  
知余在玄菟

別庾七入蜀

峻嶺拂陽鳥長城連蜀都石銘懸劒壁沙洲聚  
陣圖山長半股斷樹古半心枯由來兄弟別共  
念一荊株

將命使北始度瓜步江

校尉始辭國樓船欲渡河輜軒臨磧岬旌節映  
江沱觀濤想帷蓋爭長憶干戈雖同燕市泣猶  
聽趙津歌

反命河朔始入武州

輕車初逐李定遠未隨班受詔祈連返申威蹕

勒還飛蓬損腰帶秋髻落容顏  
寄言舊相識知  
余生入關

冬狩行四韻連句應詔

三川羽檄馳六郡良家選觀兵  
細柳城校獵長  
楊苑驚雉逐鷹飛騰猿看箭轉  
鳴笳河曲還猶  
憶南皮邁

和王內史從駕狩

冬狩出離宮還過獵武功澗橫  
偏礙馬山虛絕  
響弓更羸承落鴈韓盧鬪螫熊  
猶開三面網誰

肯一山重

入道士館

金華開八景玉洞上三危雲袍白鶴度風管鳳  
風吹野衣縫蕙葉山巾簪去聲笋皮何必淮南館  
淹留攀桂枝

奉和永豐殿下言志十首

立德齊今古資仁一毀譽無機抱甕汲有道帶  
經鋤處下唯名惠能言本姓遽未論驚寵辱安  
知係慘舒

王子從邊服臨邛惜第如星橋擁冠蓋錦水照  
簪裾論文報潘岳詠史答應壻帳幕參三顧風  
流盛七輿

茫茫實宇宙與善定馮虛大夫傷魯道君子念  
殷墟程卿旣開國安平遂徙居詎能從小隱終  
然遊太初

直城風日美平陵雲霧除來往金張館絃歌許  
史閭鳳臺迎弄玉河陽送婕妤五馬遙相問雙  
童來夾車

託情忻六學遊目愛三餘覆局能懸記看碑解  
暗疏詎嘗遊魏冉郝時說范睢池水朝含墨流  
螢夜聚書

興雲偷英晚燒薤杏花初滌池侵黍稷谷水播  
菑畲六月蟬鳴稻千金龍骨渠含風搖古度防

露動林於

古度樹名見吳都賦林於竹名越女試劒竹也見竹譜又曰上客防露下

疎來  
風

自憐循短綆方欲問長沮茂陵體猶瘠淮陽疾  
未祛翻疑承毒水忽似遇昌菴漢陽嗟欲盡咎

錄懼忽諸

弱齡參顧問  
疇昔濫吹噓  
綠槐垂學市  
長楊映直廬  
連盟翻滅鄭  
仁義反亡徐  
還思建鄴水  
終憶武昌魚

崩堤壓故柳  
衰社卧寒樗  
野鶴能自獵  
江鷗解獨漁  
漢陰逢荷篠  
緇林見杖屨  
阮籍長思酒  
稽康懶著書

披林求木實  
拂雪就園蔬  
濁醪非鶴髓  
蘭肴異蟹蛆  
一作野情風月曠山心  
人事疏  
徒知守瓿

庾開府集

卷五

甓空欲報璠璣

庾開府集卷之六

周新野庾信子山著

明閩漳張爕紹和纂

詩

率爾成詠

昔日謝安石求爲淮海人彷彿新亭岸猶言洛  
水濱南冠今別楚荆玉遂遊秦倘使如楊僕寧  
爲關外人

慨然成詠

新春光景麗遊子離別情交讓未全死梧桐唯  
半生值熱花無氣逢風水不平寶雞雖有祀何  
肯能更鳴

奉和賜曹美人

月光如粉白秋露似珠圓絡緯無機織流螢帶  
火寒何年迎美玉今朝得夢蘭訝許能含笑芙  
蓉宜熟看

和趙王看伎

綠珠歌扇薄飛燕舞衫長琴曲隨流水簫聲逐

鳳凰細縷纏鐘格圓花釘鼓床

一作唐鳳蟬鬚  
亂映日鳳釵光

懸知曲不誤無事畏

顧一作

周郎

### 奉答賜酒

仙童下赤城仙酒餉王平野人相就飲山鳥一  
羣驚細雪翻沙下寒風戰鼓鳴此時逢一醉應  
枯反更榮

### 奉答賜酒驚

雲光偏亂眼風聲特噤心冷猿披雪嘯寒魚抱  
凍沉今朝一壺酒寔是勝千金負恩無以謝惟

知就竹林

正旦蒙趙王賚酒

正旦辟惡酒新年長命杯  
柏葉隨銘至椒花逐頌來  
流星向椀落浮蟻對春開  
成都已救火蜀使何時廻

衛王贈桑落酒奉答

愁人坐狹邪喜得送流霞  
跂窓催酒熟停盃待  
菊花霜風亂飄葉寒水細澄沙  
高陽今日晚應有接離斜

就蒲州使君乞酒

蕭瑟風聲慘蒼茫雪貌愁鳥寒栖不定池凝聚  
未流蒲城桑葉落灞岸菊花秋願持河朔飲分  
勸東陵侯

蒲州刺史中山公許乞酒一車未送

細柳望蒲臺長河始一迴秋桑幾過落春蟻未  
曾開瑩角非難馭槌輪稍可催只言千日飲舊  
逐中山來

答王司空餉酒

今日小園中桃花數樹紅  
開君一壺酒細酌對  
春風未能扶畢卓猶足舞王戎  
仙人一捧露判  
不及盃中

舟中望月

舟子夜離家開舲望月華  
山明疑有雪岸白不  
關沙天漢看珠蚌  
星橋視桂花灰飛重  
暈闕  
落獨輪斜

望月

夜光流未曙金波影尚賒  
照人非七子含風異

九華巖新半壁上桂滿獨輪斜乘舟聊可望無  
假逐仙一作靈槎

對雨

繁雲猶暗嶺積雨未開庭階含侵角路鏤滿溜  
疏萍濕楊生細樵爛草變初螢徒勞看蟻封無  
事祀靈星

喜晴

比日思光景今朝始暫逢雨住便生熱雲晴卽  
作峰水白澄還淺花紅燥更濃已歡無石燕彌

欲棄泥龍

詠春近餘雪應詔

送寒開小苑迎春入上林  
絲條變柳色香氣動  
蘭心待花將對酒留雪擬彈琴  
陪遊愧並作空見奉恩深

奉和初秋

落星初伏火秋霜正動鐘  
北閣連橫漢南宮應鑿龍  
祥鸞棲竹實靈蔡上芙蓉  
自有南風曲還來吹九重

簡文帝初秋附

羽翼晨猶動珠汗晝恒揮秋風忽嫋嫋向夕  
引涼歸浮陰卽染浪清氣始乘衣卷幌通河  
色開窓引月輝晚花欄下照踈螢簾上飛直  
置猶如此何況送將歸

晚秋

淒清臨晚景踈索望寒階濕庭凝墜露搏風卷  
落槐日氣斜還冷雲峯晚更霾可憐數行鴈點  
點遠空排

和穎川公秋夜

初學作上官儀非

次寥空色遠葉黃淒序變洞浦落遵鴻長飈送  
巢燕千秋流夕景百籟含宵嘒峻雉聆金柝曾  
臺切銀箭

詠畫屏風詩二十五首

俠客重連鑣金鞍被桂條細塵鄣路起驚花亂  
眼飄酒醺人半醉汗濕馬全驕歸鞍畏日晚爭  
路上河橋

浮橋翠蓋擁平旦雍門開石崇迎客至山濤載

妓來水紋恒獨轉風花直亂迴誰能惜紅袖寧

一作  
迎用捧金杯

停車小苑外下渚長橋前  
澁菱迎擁楫平荷直  
盡船殘絲繞折藕芰葉映低蓮  
遙望芙蓉影只言水底然

昨夜鳥聲春驚鳴動四隣  
今朝梅樹下定有詠  
花人流星浮酒泛粟瑱繞杯脣  
何勞一片雨喚作陽臺神

逍遙遊桂苑寂絕到

藝文  
作想

桃源狹石分花徑長

萬曆丁巳  
橋映水門管聲驚百鳥人衣香一園定知歡未  
足橫琴坐石根

三春冠蓋聚八節管絃遊石險松橫植巖懸澗  
豎流小橋飛斷岸高花出迥樓定須催十酒將  
來宴五侯

高閣千尋起長廊四注連歌聲上扇月舞影入  
琴絃澗水繞窓外山花卽眼前但願長歡樂從  
今盡百年

日晚金槌絡

一作路

朱軒流水車轆拂綠堤柳甍

飄夾路花定迎劉碧玉將過陰麗華非是高陽  
路莫畏接籬斜

徘徊出桂苑徙倚就花林下橋先勸酒跂石始  
調琴蒲低猶抱節竹短未空心絕愛猿聲近唯  
憐花徑深

千尋木蘭館百尺芙蓉堂落日低蓮井行雲礙  
菱梁流水桃花色春洲杜若香就階猶不進催  
來上伎床

搗衣明月下靜夜秋風飄錦石平砧面蓮房接

杵腰急節迎秋韻新聲入手調寒衣湏及早將  
寄霍嫵姚

出沒看樓殿間關望綺羅翔禽逐節舞流水赴  
絃歌細管吹蘂竹新杯捲半荷南宮冠蓋下日  
暮風塵多

玉柳珠簾捲金鈎翠幔懸荷香薰水殿閣影入  
池蓮平沙臨浦口高柳對樓前上橋還倚望遙  
看採菱船

高閣千尋跨重簷百丈齊雲度三分近花飛一

倍低吹簫迎白鶴照鏡舞山雞何勞愁日暮未  
有夜鳥啼

河流值淺岸歛轡暫經過弓衣濕濺水馬足亂  
橫波半城斜出樹長林直枕河今朝遊俠客不  
長風塵多

廢橋猶徙倚坐石未傾壺淺草開長埭行營繞  
細厨沙洲兩鶴迴石路一松孤自可尋丹竈何  
勞憶酒壚

上林春逕密浮橋柳路長龍媒逐細草鶴顰映

垂楊水似桃花色山如甲煎香白石春一作青泉  
上誰能待月光

白石春泉滿黃金新埽開戚里車先度蘭池馬  
卽來落花承舞席春衫拭酒杯行厨半路待載  
妓一雙迴

將軍息邊務校尉罷從戎池臺臨戚里絃管入  
新豐浮雲隨走馬明月逐彎弓比來多射獵唯  
有上林中

三危上鳳翼九坂度龍鱗路高山裏樹雲低馬

上人懸巖泉溜響深谷鳥聲春佳馬來相問應  
知有姓秦

鄧開鬱金屋暫對芙蓉池水光連萍動花風合  
樹吹春杯猶雜泛細菜尚連枝不長歌聲盡先  
看筆桂歌

洞靈閑靜室雲氣滿山齋古松栽數樹盤根無  
半埋愛靜魚爭樂依人鳥入懷仲春徵隱士蒲  
輪上計偕

今朝好風日園苑足芳菲竹動蟬爭散蓮搖魚

暫飛面紅新著酒風晚細吹衣  
跂石多時望蓮船始復歸

金鞍聚磧岸玉舳泛中流  
畫鷁先防水媒龍卽負舟  
沙城疑海氣石岸似江樓  
崩槎時半沒壞舸或空浮  
定是汾河上戈船聊試遊

竟日坐春臺芙蓉承酒盃  
水流平澗下山花滿谷  
開行雲數番過白鶴一雙來  
水影搖藜竹林香動落梅直  
上山頭路羊腸能幾廻

鏡

玉匣聊開鏡，輕灰暫拭塵。光如一片水，影照兩  
邊人。月生無有桂，花開不逐春。試挂淮南竹，堪  
能見四隣。

梅花

常年臘月半，已覺梅花闌。不信今春晚，俱來雪  
裡看。樹動懸冰落，枝高出手寒。早知覓不見，真  
悔著衣單。

詠樹

交柯乍百頃，耀本或千尋。楓子畱爲式，桐孫待

作琴殘核移桃種空花植棗林幽居對蒙密蹊  
徑轉深沉

閩雞

以下三首闕文

開軒望平子驟馬看陳王狸膏燠闢敵芥粉塋  
春塲解翅蓮花動猜羣錦臆張

應令

望別非新館開舟卽舊灣浦喧征棹發亭空送  
客還路塵猶向水征帆獨背閑

杏花

春色方盈野枝枝綻翠英依稀暎村塢爛熳開  
山城好折待賓客

類苑作旅

金盤襯紅瓊

集周公處連句

市朝一朝變蘭艾本同焚故人相借問平生如  
所聞

寄徐陵

故人倘思我及此平生昔莫待山陽路空聞吹  
笛悲

寄王琳

玉關道路遠金陵信使疎獨下千行淚開君萬里書

奉和趙王

花徑日相携花林鳥未棲比看中郎醉堪聞鳥夜啼

和劉儀同臻

南登廣陵岸廻首落星城不言臨舊浦烽火照江明

和庾四

離關一長望別恨幾重愁無妨對春日懷抱只言秋

和侃法師三絕

一作和侃法師別詩

秦關望楚路灞岸愁江潭幾人應落淚看君馬向南

客遊經歲月羈旅故情多近學衡陽鴈秋分俱渡河

迴首河堤望眷眷嗟離絕誰言舊國人到在他鄉別

送周尚書弘正二首

交河望合浦玄菟想朱鳶共此無期別知應復  
幾年

離期定已促別淚轉無從惟愁郭門外應足數  
株松

重別周尚書二首

陽關萬里道不見一人歸唯有河邊鴈秋來南  
向飛

河橋兩岸絕橫岐數路分山川遙不見懷袖遠

相見

贈別

藏啼雷送別拭淚強相參誰言畜衫袖長代手  
中澹

徐報使來止得一相見

一面還千里相思那得論更尋終不見無異桃  
花源

行途賦得四更應詔

四更天欲曙落月垂關下深谷暗藏人欹松橫

礙馬

和江中賈客

樂府作賈客詞

五兩開船頭長橋發新浦懸知岸上人遙振江

中鼓

奉和平鄴應詔

天策引神兵風飛掃鄴城陣雲千里散黃河一

代清

送衛王南征

望水初橫陣移營寇未降風塵馬足起先暗廣

陵江

仙山二首

金竈新和藥銀臺舊聚神相看但莫怯先師應  
識人

石軟如香餅鉛銷似熟銀蓬萊暫近別海水遂  
成塵

山齋

石影橫臨水山雲半繞峯遙想山中店懸知春  
酒濃

野步

直泉仍飲馬逢花卽舉杯  
稍看城闕遠轉見風雲來

山中

澗暗泉偏冷巖深桂絕香  
住中能不去非獨淮南王

閨怨

明鏡圓花發空房故怨多  
幾年畱織女還應聽渡河

和趙王看妓

長思浣紗石空想

一作定憶

搗衣砧臨邛若有便

作

使爲說解琴心

看舞

鸞迴不假學鳳舉自相關到嫌衫袖廣恒長礙  
舉鬟

聽歌

協律新教罷河陽始學歸但令聞一曲餘聲三  
日飛

暮秋野興賦得傾壺酒

劉伶正捉酒中散欲彈琴但使逢秋菊何須就

竹林

對酒

數盃還已醉風雲

一作春風

不復知唯有龍吟笛桓

伊能獨吹

春日極飲

檻前聞鳥囀園裡對花開就中言不醉細袖捧

金盃

春望

春望上春臺  
春窓四面開  
落花何假拂  
風吹會併來

新月

鄭環唯半出  
秦鈎本獨懸  
若交臨酒影  
堪言照弩弦

秋日

蒼茫望落景  
羈旅對窮秋  
賴有南園菊  
殘花足解愁

望渭水

樹似新亭岸沙如龍尾灣猶言吟暝浦應有落帆還

塵鏡

明鏡如明月恒常置匣中何須照兩鬢終是一秋蓬

和淮南公聽琴聞絃斷

嗣宗看月夜中散對行雲一絃雖獨韻猶足動文君

弄琴二首

雉飛催晚別鳥啼驚夜眠若交新曲變惟湏促  
一絃

不見石城樂惟聞鳥噪林新聲逐絃轉應得動  
春心

詠羽扇

搖風碎朝翻拂汗落毛衣定似回谿路將軍垂  
翅歸

題結綫袋子

庾開府集

卷六

交絲結龍鳳鏤彩織雲霞一寸同心縷千年長  
命花

賦得鸞臺

九成吹玉琯百尺上瑤臺能將秦女去終是鳳  
凰來

賦得集池鴈

逢風皆迴度逐侶乍爭飛猶憶方塘水今秋已  
復歸

詠鴈

初學作周  
弘正非

南思洞庭水北想鴈門關稻粱俱可戀飛去復飛還

忽見檳榔

綠房千子熟紫穗

集作  
穗

百花開莫言行萬里曾

經相識來

賦得荷

秋衣行欲製風蓋漸應歆若有千年蔡瀕巢但見隨

移樹

酒泉移赤柰河陽徙石榴雖言有千樹何處似  
封侯

奉梨

接枝秋轉脆含情落更香擎置仙人掌應添瑞  
露漿

傷往二首

見月長垂淚看花定歛眉從今一別後知作幾  
年悲

鏡塵言苦厚蟲絲定幾重還是臨窓月今秋迴

照松

春日離合二首

春青初變曲未有逐琴心明年花樹下月月來

桐尋

春字

田家足閒暇士友暫流連三春竹葉酒一曲鴟

雞茲

日字

和湘東王後園迴文

早蓮生竭陂嫩菊養秋隣滿池畱浴鳥分橋上

戲人

梁元帝後園迴文附

斜峰繞徑曲聳石帶山連花餘忽戲馬樹密

隱鳴蟬

問疾封中錄

形骸違學宦狹巷幸爲閒虹迴或有雨雲合又  
含寒橫湖韻鶴下迴溪狹猿還懷賢爲榮衛和

緩惠綺紈

疑是何九

不封中錄二首

似吃語詩

貴客居金谷關扃隔藁街冀君見果顧郊間光

景佳

高階既激澗廣閣更交柯葛巾久垂角菊逕簡  
經過

秋夜望單飛鴈

以下  
七言

失群寒鴈聲可憐夜半單飛在月邊無奈人心  
復有憶今暝將渠俱不眠

代人傷往二首

青田松上一黃鶴相思樹下兩鴛鴦無事交渠  
更相失不及從來莫作雙

雜樹本唯金谷苑諸花舊滿洛陽城正是古來  
歌舞處今日看時無地行